

9. oktober 2013

UKA 2013/31 & 56  
Kim Kielsen

**Kalaallit Nunaanni nammineq piumassuseq naapertorlugu upalungaarsimasunik naalagaaffik suleqatigalugu pilersitsisoqarsinnaanera tamatumalu sunniutigisinaasaasa misissorneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

---

**Kalaallit Nunaanni nunami aammalu imaatigut kajumissutsimik tunngaveqartumik upalungaarsimasunik pilersitsisoqarsinnaaneranut periafissanik soqutiginninnermullu misissusoqarnissaa siunertaralugu Naalakkersuisut Naalagaaffimmut attaveqarnissaannut pisussaaffilerneqarnissaannut aalajangiinissamut siunnersuut.**

(Inatsisartunut ilaasortat Naaja H. Nathanielsen aamma Sara Olsvig, Inuit Ataqatigiit)

Siullermeernera.

Aalisarnerup, aatsitassanik piiannerup, takornariaqarnerup inuussutissarsiorfiillu allat Kalaallit Nunaata aningaasaqarniarnerata toqqammaqvissaattut siunniussaqarnerup kingunerisinnaavaa, pinngortitatta avatangiisittalu peqqarniissinnaanerannik ilisimasaqarpinnitsunik ilisimasaqangivissunilluunniit avataanit tikerartoqalernissaa.

Minutsialuinannnguit ingerlaneranni sila allanngoriataarsinnaavoq, pinngortitamiikkkaanni pissutsillu naapertorlugit qanoq periuseqassanerluni ilisimanngikkaanni tamanna ajorluin-nartumik kinguneqarsinnaavoq.

Kalaallit Nunaanni upalungaarsimatitat SAR susassaqarfinit assigiinngitsunit katitigaapput, ilaatigut Arktisk Kommando/Issittumi Sakkutooqarfik Politiillu, tassaasut imaaninunnilu upalungaarsimasut annaassiniartartullu, inunnik, timmisartunik, umiarsuarnik atortunilu allanik iluaquteqartarlutik.

Taamatullu annaassiniartoqartillugu ataqtigiissaarisut pilersinneqartarput.

Annaassiniartoqartillugu aamma Kalaallit Nunaanni namminneq piumassusertik tunngavigalugu qatserisartut annertuumik ikuutaasarput, naak ilaatigut annikitsuinnarmik ilinniarsimagaluarlutik upalungaarsimasunut annertuumik isumalluutaapput, kiisalu saaffigine-qaraangamik tamatigorluinnangajak annaassiniarnerup iluatsinnissaanut ikuuttussarsior-tarlutik allatigulluunniit iluaqutaasumik ikuuttararlutik.

Taamaammat Siumumi isumaqarpugut, ullumikkut iluamik ingerlasunik upalungaarsimasoqartugut – kisianni aningaasarsiornikkut tunngavissatsitut isumalluutiginiakkagut unam-millernartunik nassataqartussaammata, avataaneersut angalanerannut atatillugu annertunerusumik isumannaallisaasoqarnissaak nakkutiginnittooqarnissaalu pinngitsoorsinnaas-sanngilarput, tamatumani siunnersuuteqartup tikkuagaa periarfissaasinnaavoq.

Islandimitut upalungaarsimasoqalernissaanik eqqarsaat nutajunngilaq, soorlu aamma siusinnerusukkut namminneq piumassusertik tunngavigalugu qatserisartut Islandimi pikko-rissarnissaat periarfissaasarsimasoq, taakkunanilu assersuutigalugu sungiusaatigalugu qaqqasiorluni qanilliuminaatsunilu annaassiniarnerni allatigullu sungiusarnerni peqataasar-simallutik.

Islandimi nammineq piumassusertik tunngavigalugu annaassiniartartut, siunnersuuteqar-tup tunngavilersuummini oqaatigisaatut, Islandimi qummoroortartunik tuniniaanikkut, ilaa-sortat akiliuteqartarnerisigut, nammineq nioqquqtiisanik tuniniaanikkut assigisaatigullu aningaasalersorneqarnerat aamma misissuinissami ilangunneqarsinnaassaaq.

Islandimi nammineq piumassuseq tunngavigalugu annaassiniartartut allatigut aningaasa-lersornissaminut periarfissaat allat suunersut aamma misissorneqartariaqarput. Siumumi aamma ilisimavarput, atortut allallu annaassiniartartunit atorneqartartut qulaani aningaa-sanik katerseriaatsit atorlugit aningaasalersorneqartut, tamannalu Siumumi pitsaasutut isigaarput.

Amerlanerpaat peqataatillugillu akulerutsinnerat sumiiffinnut ataasiakkaanut nunamullu tamarmut iluaqutaassaaq. Tamatuma saniatigut assersuutigalugu illoqarfinni nunaqarfinni-tilu isumalluutaasinnaasut akuttoqatigiiartumik nalunaarsorneqartarnissaat pingaarute-qassaaq, sumiiffinni ataasiakkaani isumalluutigineqarsinnaasut ataqtigissaarinermut oqartussanit ilisimaneqarnissaat taamaalilluni periarfissinneqassaaq.

Piginnaasatut pingaarutilik ikiueqqaarsinnaaneq pillugu aamma pikkorissaaneq inuup an-naanneqarneranik kinguneqarsinnaavoq, taamaammat tassunga atatillugu Naalakkersuis-unut apeqqutigerusupparput, meeqqat atuarfiini ikiueqqaarneq pillugu pikkorissaatitsisar-neq sumut killinnersoq, tamanna pillugu qinigaaffimmi kingullermi siunnersuut akuerineqar-nikuummat.

Siunnersuummi anguniakkat Siumumit taperserlutigit, siunnersuut attaveqaatinut ataatsimiititami suliareqqitassanngorlugu ingerlateqqipparput, tunngavilersuilluarlunilu oqallin-nissaq qilanaaaralutigu.